



# საქართველოს კომუნიკაციების ეროვნული კომისია

## გადაწყვეტილება

N გ-19-18/332  
30/05/2019

332-შ-19-1-4-201905301904



### შპს „დი+ის“ სამართალდამრღვევად ცნობისა და ადმინისტრაციული პასუხისმგებლობისაგან გათავისუფლების თაობაზე

#### I. საქმის აღწერა

კომისიის აპარატის რადიოსიხშირული სპექტრის მართვის დეპარტამენტის 2019 წლის 15 აპრილის N19-10-632 მოხსენებითი ბარათიდან ირკვევა, რომ დეპარტამენტის მონიტორინგის მობილური ჯგუფების მიერ 28.03.2019 - 12.04.2019 პერიოდში ჩატარებული იქნა მონიტორინგი შპს „სტერეო+ის“ და შპს „დი+ისთვის“ ციფრული მიწისზედა სატელევიზიო ქსელებით ოპერირებისთვის, კომისიის 2014 წლის 10 ივლისის №363/1 და 2017 წლის 17 აგვისტოს №545/5 გადაწყვეტილების საფუძველზე, გაცემული MUXB, MUXE და MUXD ლიცენზიების პირობებით გათვალისწინებული ტექნიკური მახასიათებლების შემოწმების მიზნით. რადიოსიხშირული სპექტრის მართვის დეპარტამენტი განმარტავს, რომ შპს „სტერეო+ის“ და შპს „დი+ის“ ციფრული მიწისზედა სატელევიზიო ქსელებით ოპერირებისთვის მინიჭებული აქვთ სიხშირული რესურსი 62 პუნქტში (მათგან 8 ლოკაცია ოკუპირებულ ტერიტორიებზეა). მონიტორინგის პროცესში 55 ადგილას იქნა შემოწმებული ციფრული მიწისზედა სატელევიზიო გადამცემების განლაგების გეოგრაფიული კოორდინატები და მათი პრაქტიკული ფუნქციონირების გარემოებები. მობილური ჯგუფების მიერ პრაქტიკული შესაძლებლობების ფარგლებში შემოწმებული იქნა გადამცემი სადგურების და საანტენო მეურნეობის მახასიათებლები უშუალოდ მათი განლაგების ადგილზე, ხოლო ის საიტები (ცივის მთა, გუდაური, ტყიბული, მრავალძალი, პატარა ონი, ლენტეხი, მესტია, ბორჯომი, ბაკურიანი, შუახევი, ხულო და ტალახას მთა), სადაც უგზოობის და სხვა ხელისშემშლელი ფაქტორების გამო ვერ მოხერხდა ადგილზე მისვლა, შემოწმებული იქნა დისტანციურად - რადიომონიტორინგის და საპელენგაციო მეთოდების გამოყენების მეშვეობით განხორციელდა მათი განლაგების ადგილის იდენტიფიკაცია. თითოეული შემოწმებისას, მობილური ჯგუფების მიერ შედგენილი იქნა შესაბამისი შემოწმების აქტები, თითოეულ საიტზე შედგა ორი აქტი (ერთი აქტი ასახავდა შპს „სტერეო+ის“, ხოლო მეორე შპს „დი+ის“ მულტიპლექს პლატფორმების მდგომარეობას) სულ შედგენილია 110 აქტი, მათი განხილვის შედეგად შესაძლებელია ითქვას, რომ არსებობს არაერთი შეუსაბამო ლიცენზიის პირობებით განსაზღვრულ ტექნიკურ მახასიათებლებსა და პრაქტიკულად დაფიქსირებულ მონაცემებს შორის, კერძოდ:



1. ლენტეხი, შპს „დი+ის“ მუქსის გადამცემის ფუნქციონირება არ დაფიქსირებულა;
2. ურთას მთაზე ფუნქციონირებს სამივე მუქსის გადამცემი (გადაწყვეტილებებით არ არის განსაზღვრული);
3. ფოთის ანძა - დემოტნირებულია სამივე მუქსის გადამცემი;
4. სოფ. სადმელი ფუნქციონირებს სამივე მუქსის გადამცემი (გადაწყვეტილებებით არ არის განსაზღვრული);
5. სოფ. კვაცხუთი ფუნქციონირებს სამივე მუქსის გადამცემი (გადაწყვეტილებებით არ არის განსაზღვრული);
6. ამბროლაურის ანძა - დემოტნირებულია სამივე მუქსის გადამცემი;
7. მრავალძალი ფუნქციონირებს სამივე მუქსის გადამცემი (გადაწყვეტილებებით არ არის განსაზღვრული);
8. ონის ანძა - დემოტნირებულია სამივე მუქსის გადამცემი;
9. ყვარელის ანძა - სამივე მუქსის გადამცემები გადატანილია 370 მეტრით;
10. ლაგოდეხის ანძა - დემოტნირებულია სამივე მუქსის გადამცემი;
11. სიღნაღის ანძა - სამივე მუქსის გადამცემები გადატანილია 615 მეტრით;
12. სოფ. არბოშკის ანძა - სამივე მუქსის გადამცემები გადატანილია 1050 მეტრით;
13. ჩოხატაურის ანძა - დემოტნირებულია სამივე მუქსის გადამცემი;
14. ტალახას მთა - ფუნქციონირებს სამივე მუქსის გადამცემი (გადაწყვეტილებებით არ არის განსაზღვრული);
15. ზუგდიდის ანძა - შპს „დი+ის“ გადამცემი არ არის განთავსებული;
16. მარნეულის ანძა - დემოტნირებულია სამივე მუქსის გადამცემი;
17. ბოლნისის ანძა - სამივე მუქსის გადამცემები გადატანილია 380 მეტრით;
18. წალკის ანძა - შპს „დი+ის“ მუქსის გადამცემის ფუნქციონირება არ დაფიქსირებულა;
19. ნინოწმინდა - შპს „დი+ის“ მუქსის გადამცემის ფუნქციონირება არ დაფიქსირებულა;
20. ახალქალაქი - შპს „დი+ის“ მუქსის გადამცემის ფუნქციონირება არ დაფიქსირებულა;
21. ასპინძა - NMUX-E ფუნქციონირებს MUX-D-ს არხზე (41-ე არხი) და NMUX-D ფუნქციონირებს NMUX-E-ს არხზე (32-ე არხი);
22. აბასთუმანი - NMUX-E ფუნქციონირებს MUX-D-ს არხზე (41-ე არხი) და NMUX-D ფუნქციონირებს NMUX-E-ს არხზე (32-ე არხი);
23. ახალციხე - NMUX-E ფუნქციონირებს NMUX-D-ს არხზე (41-ე არხი) და NMUX-D ფუნქციონირებს NMUX-E-ს არხზე (32-ე არხი).

შპს „დი+ის“ მიერ „შპს „სტერეო+სა“ და შპს „დი+ს“ შორის რადიოსიხშირული სპექტრით სარგებლობის №MUXD ლიცენზიის გადაპირების თაობაზე“ საქართველოს კომუნიკაციების ეროვნული კომისიის 2017 წლის 17 აგვისტოს N545/5 გადაწყვეტილებით განსაზღვრული სალიცენზიო ვალდებულებების შესრულების საკითხის განხილვა დაინიშნა 2019 წლის 23 მაისს, 15:00 საათზე, რის თაობაზეც კომპანიას ეცნობა 2019 წლის 20 მაისის Nგ-19-03/1424 წერილობითი შეტყობინებით და მოწვეულ იქნა ადმინისტრაციულ წარმოებაში მონაწილეობის მისაღებად. მას ასევე განემარტა საქართველოს ზოგადი ადმინისტრაციული კოდექსის 98-ე და 99-ე მუხლებით გათვალისწინებული მტკიცებულებებისა და შუამდგომლობების წარმოდგენის, აგრეთვე საქმის გარემოებათა გამოკვლევისა და ადმინისტრაციული წარმოების მასალების გამოთხოვის უფლება. აღნიშნული შეტყობინება შპს „დი+ს“ ჩაბარდა 2019 წლის 20 მაისს.

კომისიის სხდომა შპს „დი+ის“ მიერ „შპს „სტერეო+სა“ და შპს „დი+ს“ შორის რადიოსიხშირული სპექტრით სარგებლობის №MUXD ლიცენზიის გადაპირების თაობაზე“ საქართველოს კომუნიკაციების ეროვნული კომისიის 2017 წლის 17 აგვისტოს N545/5 გადაწყვეტილებით განსაზღვრული სალიცენზიო ვალდებულებების შესრულების საკითხის განხილვა გაიმართა 2019 წლის 23 მაისს. სხდომას ესწრებოდნენ შპს „დი+ის“

წარმომადგენლები: შპს „დი+ის“ დამფუძნებელი დავით ზილფიმიანი და იურისტი ნატალია გელაძე. შპს „დი+“ საკითხზე დამატებითი გარემოებების შესწავლის მიზნით, კომისიის სხდომა გადაიდო და ჩატარდა 2019 წლის 30 მაისს. სხდომაზე გამოცხადდნენ შპს „დი+ის“ წარმომადგენლები: დამფუძნებელი დავით ზილფიმიანი და იურისტი ნატალია გელაძე.

## II. კომისიის მიერ გამოკვლეული მტკიცებულებები

1. კომისიის აპარატის რადიოსიხშირული სპექტრის მართვის დეპარტამენტის 2019 წლის 15 აპრილის N19-10-632 მოხსენებითი ბარათი თანდართული შემოწმების აქტებით;
2. კომისიის აპარატის რადიოსიხშირული სპექტრის მართვის დეპარტამენტის 2019 წლის 17 მაისის N19-10-768 სამსახურებრივი ბარათი, თანდართული შემოწმების აქტებით;
3. „შპს „სტერეო+სა“ და შპს „დი+ს“ შორის რადიოსიხშირული სპექტრით სარგებლობის №MUXD ლიცენზიის გადაპირების თაობაზე“ კომისიის 2017 წლის 17 აგვისტოს N545/5 გადაწყვეტილება;
4. კომისიის 2019 წლის 20 მაისის Nგ-19-03/1424 წერილობითი შეტყობინება შპს „დი+ს“;
5. ამონაწერი სამეწარმეო და არასამეწარმეო პირთა რეესტრიდან, ასევე კომისიის უწყებრივი რეესტრიდან შპს „დი+ის“ შესახებ.

## III. კომისიის მიერ დადგენილი ფაქტობრივი გარემოებები

1. კომისიის უწყებრივი რეესტრის მონაცემებით, შპს „დი+“ წარმოადგენს ავტორიზებულ პირს (კომისიაში ავტორიზაციის თარიღი: 03.05.2017); ავტორიზებული საქმიანობის სახეები: **A.T.1 ციფრული მიწისზედა სატელევიზიო ქსელითა და საშუალებებით ასევე შესაბამისი ელემენტებით უზრუნველყოფა ციფრული მიწისზედა სატელევიზიო ქსელითა და საშუალებებით ასევე შესაბამისი ელემენტებით უზრუნველყოფა; B.F.4 მაუწყებლობის ტრანზიტი ტელემაუწყებლობის ტრანზიტი; B.T.1 ციფრული მიწისზედა სატელევიზიო ქსელითა და საშუალებებით სატელევიზიო არხების ტრანზიტი;**
2. შპს „სტერეო+სა“ და შპს „დი+ს“ შორის რადიოსიხშირული სპექტრით სარგებლობის №MUXD ლიცენზიის გადაპირების თაობაზე კომისიის 2017 წლის 17 აგვისტოს N545/5 გადაწყვეტილების შესაბამისად, რადიოსიხშირული სპექტრით სარგებლობის №MUXD ლიცენზიის მფლობელად განისაზღვრა შპს „დი+“ და რადიოსიხშირული სპექტრით სარგებლობის №MUXD ლიცენზიას განესაზღვრა შესაბამისი სალიცენზიო პირობები, ამავე გადაწყვეტილების შესაბამისად;
3. კომისიის აპარატის რადიოსიხშირული სპექტრის მართვის დეპარტამენტის მონიტორინგის მობილური ჯგუფების მიერ 28.03.2019-12.04.2019 პერიოდში განხორციელდა შპს „სტერეო+ისა“ და შპს „დი+ის“ მონიტორინგი, მათ მიერ კომისიის 2014 წლის 10 ივლისის №363/1 და 2017 წლის 17 აგვისტოს №545/5 გადაწყვეტილების საფუძველზე გაცემული MUXB, MUXE და MUXD ლიცენზიების პირობებით გათვალისწინებული ტექნიკური მახასიათებლების შემოწმების მიზნით;

4. კომისიის აპარატის რადიოსიხშირული სპექტრის მართვის დეპარტამენტის მონიტორინგის მობილური ჯგუფების მიერ 28.03.2019-12.04.2019 პერიოდში განხორციელებული შემოწმების სისწორე დადასტურდა კომისიის რადიოსიხშირული სპექტრის მართვის დეპარტამენტის 2019 წლის 15 აპრილის N19-10-632 მოხსენებით ბარათზე თანდართული შემოწმების აქტებით, ასევე, ამავე დეპარტამენტის 2019 წლის 17 მაისის N19-10-768 სამსახურებრივ ბარათზე თანდართული შემოწმების აქტებით, რომლებიც შედგენილია „საქართველოს კომუნიკაციების ეროვნული კომისიის საქმიანობის მარეგულირებელი წესების“ 36-ე მუხლით გათვალისწინებული მოთხოვნების შესაბამისად;

5. კომისიის აპარატის რადიოსიხშირული სპექტრის მართვის დეპარტამენტის მიერ 2019 წლის 28 მარტიდან - 2019 წლის 12 აპრილის ჩათვლით ჩატარებული შემოწმების შედეგები აისახა შემოწმების აქტებში, კერძოდ:

**2019 წლის 28 მარტის N38 შემოწმების აქტში** აისახა კომისიის აპარატის რადიოსიხშირული სპექტრის მართვის დეპარტამენტის რადიომონიტორინგის მობილური ჯგუფის მიერ ქ. სიღნაღის შპს „საქართველოს ტელერადიოცენტრის“ ანძის შემოწმების შედეგები, რაც დადასტურებულია კომისიის უფლებამოსილი პირების ნიკოლოზ კონდოლელისა და გიორგი წიკლაურის ხელმოწერით, ასევე შპს „დი+ის“ წარმომადგენლის, გიორგი ხითარიშვილის ხელმოწერით. შპს „დი+ისთვის“ კომისიის 2017 წლის 17 აგვისტოს N545/5 გადაწყვეტილებით NMUX-D ლიცენზიის პირობების შესრულებაზე ზედამხედველობის და კონტროლის შედეგად შემოწმების აქტით დადგინდა, რომ შპს „საქართველოს ტელერადიოცენტრის“ სიღნაღის სატელევიზიო ანძაზე არ არის განთავსებული შპს „დი+ის“ ციფრული მიწისზედა სატელევიზიო ქსელის გადამცემი სადგური. შემოწმებული კომპანიის წარმომადგენლის მიერ ახსნა-განმარტების სახით აღნიშნულია, რომ უკეთესი დაფარვის მიზნით სამაუწყებლო გადამცემი გადატანილია მიმდებარედ სხვა სამაუწყებლო ანძაზე;

**2019 წლის 28 მარტის N40 შემოწმების აქტში** აისახა კომისიის აპარატის რადიოსიხშირული სპექტრის მართვის დეპარტამენტის რადიომონიტორინგის მობილური ჯგუფის მიერ ქ. სიღნაღის შემოწმების შედეგები, რაც დადასტურებულია კომისიის უფლებამოსილი პირების ნიკოლოზ კონდოლელისა და გიორგი წიკლაურის ხელმოწერით, ასევე შპს „დი+ის“ წარმომადგენლის, გიორგი ხითარიშვილის ხელმოწერით. შპს „დი+ისთვის“ კომისიის 2017 წლის 17 აგვისტოს N545/5 გადაწყვეტილებით NMUX-D ლიცენზიის პირობების შესრულებაზე ზედამხედველობის და კონტროლის შედეგად შემოწმების აქტში დაფიქსირებულია შპს „დი+ის“ (NMUX-D 47-ე სამაუწყებლო არხი) გადამცემი სადგურის ფუნქციონირება. აღნიშნული გადამცემი სადგური განთავსებულია N41°37'03"; E45°53'07" გეოგრაფიული კოორდინატების მიმდებარედ არსებულ საკომუნიკაციო ანძაზე. ანტენის დაკიდების სიმაღლე 50მ (+-5მ);

**2019 წლის 29 მარტის N43 შემოწმების აქტში** აისახა კომისიის აპარატის რადიოსიხშირული სპექტრის მართვის დეპარტამენტის რადიომონიტორინგის მობილური ჯგუფის მიერ ქ. ლაგოდეხში ბაიასუბნის სატელევიზიო ანძის შემოწმების შედეგები, რაც დადასტურებულია კომისიის უფლებამოსილი პირების ნიკოლოზ კონდოლელისა და გიორგი წიკლაურის ხელმოწერით, ასევე შპს „დი+ის“ წარმომადგენლის, გიორგი ხითარიშვილის ხელმოწერით. შპს „დი+ისთვის“ კომისიის 2017 წლის 17 აგვისტოს N545/5 გადაწყვეტილებით NMUX-D ლიცენზიის პირობების შესრულებაზე ზედამხედველობის და კონტროლის შედეგად შემოწმების აქტით დადასტურდა, რომ შპს „დი+ის“ ციფრული მიწისზედა სატელევიზიო ქსელის NMUX-D (47-ე სატელევიზიო არხი) გადამცემი

სადგურის ფუნქციონირება არ დაფიქსირებულა. ქ. ლაგოდეხში ბაიასუბნის სატელევიზიო ანძის მიმდებარედ განლაგებულ საკომუნიკაციო ანძებზე შპს „დი+ის“ გადამცემი სატელევიზიო სადგური და საანტენო მეურნეობები არ არის განთავსებული. შემოწმებული კომპანიის წარმომადგენლის მიერ ახსნა-განმარტების სახით აღნიშნულია, რომ ქ. ლაგოდეხი სრულად იფარება დედოფლისწყაროს სამაუწყებლო ანძიდან;

**2019 წლის 29 მარტის N45 შემოწმების აქტში** აისახა კომისიის აპარატის რადიოსიხშირული სპექტრის მართვის დეპარტამენტის რადიომონიტორინგის მობილური ჯგუფის მიერ ქ. ყვარელში შპს „საქართველოს ტელერადიოცენტრის“ სატელევიზიო ანძის შემოწმების შედეგები, რაც დადასტურებულია კომისიის უფლებამოსილი პირის ლევან დემურაძის ხელმოწერით, ასევე შპს „დი+ის“ წარმომადგენლის, გიორგი ხითარიშვილის ხელმოწერით. შპს „დი+ისთვის“ კომისიის 2017 წლის 17 აგვისტოს N545/5 გადაწყვეტილებით NMUX-D ლიცენზიის პირობების შესრულებაზე ზედამხედველობის და კონტროლის შედეგად შემოწმების აქტში დაფიქსირდა, რომ შპს „საქართველოს ტელერადიოცენტრის“ ყვარლის სატელევიზიო ანძაზე არ არის განთავსებული შპს „დი+ის“ ციფრული სატელევიზიო ქსელის გადამცემი სადგური. შემოწმების აქტში შემოწმებული კომპანიის წარმომადგენლის მიერ ახსნა-განმარტების სახით აღნიშნულია, რომ უკეთესი პირობების გამო გადამცემი გადატანილია მიმდებარე ანძაზე;

**2019 წლის 29 მარტის N47 შემოწმების აქტში** აისახა კომისიის აპარატის რადიოსიხშირული სპექტრის მართვის დეპარტამენტის რადიომონიტორინგის მობილური ჯგუფის მიერ ქ. ყვარელში შპს „საქართველოს ტელერადიოცენტრის“ სატელევიზიო ანძის შემოწმების შედეგები, რაც დადასტურებულია კომისიის უფლებამოსილი პირის ლევან დემურაძის ხელმოწერით, ასევე შპს „დი+ის“ წარმომადგენლის, გიორგი ხითარიშვილის ხელმოწერით. შპს „დი+ისთვის“ კომისიის 2017 წლის 17 აგვისტოს N545/5 გადაწყვეტილებით NMUX-D ლიცენზიის პირობების შესრულებაზე ზედამხედველობის და კონტროლის შედეგად შემოწმების აქტში დაფიქსირდა შპს „დი+ის“ (NMUX-D 28-ე სატელევიზიო არხი) გადამცემი სადგურის ფუნქციონირება. აღნიშნული გადამცემი სადგური განთავსებულია N41°54'20"; E45°49'25" გეოგრაფიული კოორდინატების მიმდებარედ არსებულ საკომუნიკაციო ანძაზე. ანტენის დაკიდების სიმაღლე 45მ (+-5მ);

**2019 წლის 3 აპრილის შემოწმების აქტში N64** აისახა კომისიის აპარატის რადიოსიხშირული სპექტრის მართვის დეპარტამენტის რადიომონიტორინგის მობილური ჯგუფის მიერ ქ. ონში შპს „საქართველოს ტელერადიოცენტრის“ ონის სატელევიზიო ანძის მიმდებარე ტერიტორიაზე განხორციელებული შემოწმების შედეგები, რაც დადასტურებულია კომისიის უფლებამოსილი პირების ნიკოლოზ კონდოლელისა და გიორგი წიკლაურის ხელმოწერებით, ასევე შპს „სტერეო+-ის“ წარმომადგენლის გიორგი ხითარიშვილის ხელმოწერით. შემოწმების აქტით დადასტურდა, რომ შპს „დი+ის“ NMUX-D ციფრული მიწისზედა სატელევიზიო ქსელის გადამცემი სადგურის ფუნქციონირება არ დაფიქსირებულა, რაც განსაზღვრულია კომისიის 2014 წლის 10 ივლისის N363/1 გადაწყვეტილებით, ასევე კომისიის 2017 წლის 17 აგვისტოს N545/5 გადაწყვეტილებით. შემოწმების აქტში აღნიშნულია, რომ უკეთესი დაფარვის მიზნით აღნიშნული გადამცემი გადატანილია სხვა სამაუწყებლო ანძაზე და ასევე დამატებულია სამაუწყებლო პუნქტები რაჭის რეგიონში;

**2019 წლის 3 აპრილის შემოწმების აქტში N67** აისახა კომისიის აპარატის რადიოსიხშირული სპექტრის მართვის დეპარტამენტის რადიომონიტორინგის მობილური ჯგუფის მიერ ქ. ონში შპს „საქართველოს ტელერადიოცენტრის“ ონის სატელევიზიო ანძის მიმდებარე ტერიტორიაზე განხორციელებული შემოწმების შედეგები, რაც დადასტურებულია

კომისიის უფლებამოსილი პირების ნიკოლოზ კონდოლელისა და გიორგი წიკლაურის ხელმოწერებით, ასევე შპს „სტერეო+ის“ წარმომადგენლის გიორგი ხითარიშვილის ხელმოწერით. შემოწმების აქტით დადასტურდა, რომ შპს „დი+ის“ NMUX-D ციფრული მიწისზედა სატელევიზიო ქსელის გადამცემი სადგური განთავსებულია მრავალძალის საკომუნიკაციო ანძაზე, რაც არ არის გათვალისწინებული კომისიის 2014 წლის 10 ივლისის N363/1 გადაწყვეტილებით, ასევე 2017 წლის 17 აგვისტოს N545/5 გადაწყვეტილებით;

**2019 წლის 3 აპრილის შემოწმების აქტში N71** აისახა კომისიის აპარატის რადიოსიხშირული სპექტრის მართვის დეპარტამენტის რადიომონიტორინგის მობილური ჯგუფის მიერ დ. ამბროლაურში შპს „საქართველოს ტელერადიოცენტრის“ ამბროლაურის სატელევიზიო ანძის მიმდებარე ტერიტორიაზე განხორციელებული შემოწმების შედეგები, რაც დადასტურებულია კომისიის უფლებამოსილი პირების ნიკოლოზ კონდოლელისა და გიორგი წიკლაურის ხელმოწერებით, ასევე შპს „სტერეო+ის“ წარმომადგენლის გიორგი ხითარიშვილის ხელმოწერით. შემოწმების აქტით დადგენილია, რომ „დი+ისთვის“ კომისიის 2017 წლის 17 აგვისტოს N545/5 გადაწყვეტილების მიხედვით ამბროლაურში NMUX-D ლიცენზიით გათვალისწინებულ კოორდინატებზე არ არის განთავსებული NMUX-D ციფრული მიწისზედა სატელევიზიო ქსელის გადამცემი სადგური. შემოწმების აქტში აღნიშნულია, რომ უკეთესი დაფარვის მიზნით, აღნიშნული გადამცემი გადატანილია სხვა სამაუწყებლო ანძაზე, და ასევე დამატებულია სხვა სამაუწყებლო პუნქტები რაჭის რეგიონში;

**2019 წლის 3 აპრილის შემოწმების აქტში N73** აისახა კომისიის აპარატის რადიოსიხშირული სპექტრის მართვის დეპარტამენტის რადიომონიტორინგის მობილური ჯგუფის მიერ ქ. ფოთში განხორციელებული შემოწმების შედეგები, რაც დადასტურებულია კომისიის უფლებამოსილი პირის ლევან დემურაძის ხელმოწერით, ასევე შპს „დი+ის“ წარმომადგენლის, გიორგი ხითარიშვილის ხელმოწერით. შპს „დი+ისთვის“ კომისიის 2017 წლის 17 აგვისტოს N545/5 გადაწყვეტილებით NMUX-D ლიცენზიის პირობების შესრულებაზე ზედამხედველობისა და კონტროლის შედეგად შემოწმების აქტში დაფიქსირდა, რომ აღნიშნულ წერტილზე არ არის განთავსებული შპს „დი+ის“ მიწისზედა ციფრული სატელევიზიო ქსელის გადამცემი სადგური. შემოწმების აქტში აღნიშნულია, რომ ფოთის სამაუწყებლო ზონა იფარება ურთის მთაზე განთავსებული ციფრული სატელევიზიო სადგურებიდან;

**2019 წლის 3 აპრილის შემოწმების აქტში N77** აისახა კომისიის აპარატის რადიოსიხშირული სპექტრის მართვის დეპარტამენტის რადიომონიტორინგის მობილური ჯგუფის მიერ ამბროლაურის რაიონის სოფ. სადმელში განხორციელებული შემოწმების შედეგები, რაც დადასტურებულია კომისიის უფლებამოსილი პირების ნიკოლოზ კონდოლელისა და გიორგი წიკლაურის ხელმოწერით, ასევე შპს „დი+ის“ წარმომადგენლის გიორგი ხითარიშვილის ხელმოწერით. შემოწმების აქტში N77 დადასტურებულია, რომ ამბროლაურის რაიონის სოფ. სადმელში ფუნქციონირებს NMUX-D ციფრული მიწისზედა სატელევიზიო ქსელის გადამცემი სადგური, რაც კომისიის 2017 წლის 17 აგვისტოს N545/5 გადაწყვეტილებით, ასევე კომისიის 2014 წლის 10 ივლისის N363/1 გადაწყვეტილებით არ არის განსაზღვრული. კომისიის აღნიშნული გადაწყვეტილებებით NMUX-D ციფრული მიწისზედა სატელევიზიო ქსელის გადამცემი სადგური განთავსებული უნდა იყოს დ. ამბროლაურში, შპს „საქართველოს ტელერადიოცენტრის“ ამბროლაურის სატელევიზიო ანძაზე, ან მის მიმდებარედ 100 მეტრი რადიუსში;

**2019 წლის 5 აპრილის N102 შემოწმების აქტში** აისახა კომისიის აპარატის რადიოსიხშირული სპექტრის მართვის დეპარტამენტის რადიომონიტორინგის მობილური ჯგუფის მიერ დ.

ჩონხატაურში, განხორციელებული შემოწმების შედეგები, რაც დადასტურებულია კომისიის უფლებამოსილი პირის ლევან დემურაძის ხელმოწერით, ასევე შპს „დი+ის“ წარმომადგენლის, გიორგი ხითარიშვილის ხელმოწერით. კერძოდ, შპს „დი+ის“ NMUX-D ციფრული მიწისზედა სატელევიზიო ქსელის გადამცემი სადგური განთავსებულია ჩონხატაურის მუნიციპალიტეტის სოფ. სამების მიმდებარედ „ტალახას“ მთაზე განლაგებულ საკომუნიკაციო ანძაზე, რაც არ არის გათვალისწინებული კომისიის 2014 წლის 10 ივლისის N363/1 გადაწყვეტილებით, ასევე 2017 წლის 17 აგვისტოს N545/5 გადაწყვეტილებით;

**2019 წლის 5 აპრილის შემოწმების აქტში N104** აისახა კომისიის აპარატის რადიოსიხშირული სპექტრის მართვის დეპარტამენტის რადიომონიტორინგის მობილური ჯგუფის მიერ ქ. ჩონხატაურში განხორციელებული შემოწმების შედეგები, რაც დადასტურებულია კომისიის უფლებამოსილი პირის ლევან დემურაძის ხელმოწერით, ასევე შპს „დი+ის“ წარმომადგენლის, გიორგი ხითარიშვილის ხელმოწერით. შპს „დი+ისთვის“ კომისიის 2017 წლის 17 აგვისტოს N545/5 გადაწყვეტილებით NMUX-D ლიცენზიის პირობების შესრულებაზე ზედამხედველობის და კონტროლის შედეგად შემოწმების აქტში დაფიქსირდა, რომ აღნიშნულ წერტილზე არ არის განთავსებული შპს „დი+ის“ ციფრული მიწისზედა სატელევიზიო ქსელის გადამცემი სადგური. შემოწმების აქტში აღნიშნულია, რომ ჩონხატაურის სამაუწყებლო პუნქტი სრულად იფარება „ტალახას“ მთაზე განთავსებული გადამცემით;

**2019 წლის 5 აპრილის N107 შემოწმების აქტში** აისახა კომისიის აპარატის რადიოსიხშირული სპექტრის მართვის დეპარტამენტის რადიომონიტორინგის მობილური ჯგუფის მიერ ზუგდიდის რაიონის სოფ. ურთაში, ურთას მთის ტერიტორიაზე განხორციელებული შემოწმების შედეგები, რაც დადასტურებულია კომისიის უფლებამოსილი პირების ნიკოლოზ კონდოლელისა და გიორგი წიკლაურის ხელმოწერით, ასევე შპს „დი+ის“ წარმომადგენლის, გიორგი ხითარიშვილის ხელმოწერით. კერძოდ, ზუგდიდის რაიონის სოფ. ურთაში, ურთას მთაზე ფუნქციონირებს შპს „დი+ისთვის“ კომისიის 2017 წლის 17 აგვისტოს N545/5 გადაწყვეტილების საფუძველზე გაცემული ლიცენზია NMUX-D ციფრული მიწისზედა სატელევიზიო ქსელის გადამცემი სადგური, რაც არ არის განსაზღვრული კომისიის აღნიშნული გადაწყვეტილებით, ასევე არც კომისიის 2014 წლის 10 ივლისის N363/1 გადაწყვეტილებით;

კომისიის 2019 წლის 30 მაისის სხდომაზე, შპს „დი+-ის“ დამფუძნებელმა დავით ზილფიმიანმა დაადასტურა „შპს „სტერეო+სა“ და შპს „დი+ს“ შორის რადიოსიხშირული სპექტრით სარგებლობის №NMUXD ლიცენზიის გადაპირების თაობაზე“ კომისიის 2017 წლის 17 აგვისტოს N545/5 გადაწყვეტილების პირველი გ) პუნქტის მე-3, მე-6, მე-8, მე-12, მე-14, მე-16, მე-19, მე-20, 21-ე, 22-ე, 24-ე, 32-ე, 34-ე, 35-ე, 41-ე, 42-ე ქვეპუნქტებით განსაზღვრული სალიცენზიო პირობების დარღვევის ფაქტი და გამოთქვა მზადყოფნა აღმოფხვრას ზემოაღნიშნული დარღვევები 2 თვის ვადაში.

#### **IV. გადაწყვეტილების მიღების სამართლებრივი საფუძვლები და დასაბუთება**

„ელექტრონული კომუნიკაციების შესახებ“ საქართველოს კანონის მე-11 მუხლის პირველი პუნქტის შესაბამისად, ელექტრონული კომუნიკაციების სფეროში კომისია დამოუკიდებლად ახორციელებს ავტორიზებული პირების საქმიანობის ან/და რადიოსიხშირული სპექტრით ან/და ნუმერაციის რესურსით სარგებლობის რეგულირებას, მათ შორის, ნორმატიული და ინდივიდუალური სამართლებრივი აქტების მიღებას, მათი

შესრულების მონიტორინგსა და კონტროლს, გამოვლენილი დარღვევებისათვის ამ კანონით განსაზღვრული უფლებამოსილების ფარგლებში ამ კანონითა და საქართველოს ადმინისტრაციულ სამართალდარღვევათა კოდექსით დადგენილი სანქციების დაკისრებას.

„ელექტრონული კომუნიკაციების შესახებ“ საქართველოს კანონის მე-11 მუხლის მე-3 პუნქტის ზ) ქვეპუნქტის თანახმად, კომისიის ძირითად ფუნქციას წარმოადგენს ელექტრონული კომუნიკაციების სფეროში საქმიანობის ავტორიზებისა და სალიცენზიო პირობების, აგრეთვე ამოწურვადი რესურსით სარგებლობის პირობების დაცვის ზედამხედველობა და მათი დარღვევის შემთხვევაში კანონით გათვალისწინებული ღონისძიებების განხორციელება;

„ელექტრონული კომუნიკაციების შესახებ“ საქართველოს კანონის მე-19 მუხლის მე-2 პუნქტის ბ) ქვეპუნქტის თანახმად, ავტორიზებული პირი ვალდებულია შეასრულოს ელექტრონული კომუნიკაციების სფეროში საქართველოს კანონმდებლობა, მათ შორის, საქართველოს მთავრობის დადგენილებები, აგრეთვე კომისიის დადგენილებები და გადაწყვეტილებები.

ამავე კანონის 43-ე მუხლის პირველი პუნქტის შესაბამისად, კომისია აკონტროლებს ავტორიზებულ პირთა მიერ ელექტრონული კომუნიკაციების სფეროში განხორციელებულ საქმიანობას, ასევე მათ მიერ ელექტრონული კომუნიკაციების სფეროში საქართველოს კანონმდებლობის, მათ შორის, კომისიის დადგენილებებითა და გადაწყვეტილებებით განსაზღვრული მოთხოვნებისა და ვალდებულებების შესრულებას. ამავე მუხლის მე-3 პუნქტის თანახმად, კომისია აკონტროლებს ამოწურვადი რესურსით სარგებლობის უფლების მქონე პირების, მათ შორის, ამოწურვადი რესურსით სარგებლობის ლიცენზიის მფლობელის, მიერ ელექტრონული კომუნიკაციების სფეროში საქართველოს კანონმდებლობის, მათ შორის, კომისიის შესაბამისი დადგენილებებითა და გადაწყვეტილებებით განსაზღვრული მოთხოვნებისა და ვალდებულებების, აგრეთვე სალიცენზიო პირობების შესრულებას. მათი დარღვევის შემთხვევაში კომისია აღნიშნული პირების მიმართ გამოიყენებს ამ კანონის 45-ე მუხლით დადგენილ სანქციებს. 44-ე მუხლის პირველი პუნქტის შესაბამისად, ავტორიზებულ პირთა მიერ ელექტრონული კომუნიკაციების სფეროში საქართველოს კანონმდებლობის, მათ შორის, კომისიის დადგენილებებითა და გადაწყვეტილებებით განსაზღვრული მოთხოვნებისა და ვალდებულებების შესრულების მონიტორინგს კომისია ახორციელებს მუდმივად და სისტემატურად;

„ელექტრონული კომუნიკაციების შესახებ“ საქართველოს კანონის 45-ე მუხლის პირველი პუნქტის თანახმად, ავტორიზებული პირის მიერ ელექტრონული კომუნიკაციების სფეროში საქართველოს კანონმდებლობის, მათ შორის, კომისიის დადგენილებებითა და გადაწყვეტილებებით განსაზღვრული მოთხოვნებისა და ვალდებულებების, დარღვევის ან/და ლიცენზიის მფლობელის მიერ სალიცენზიო პირობების დარღვევის შემთხვევაში კომისია უფლებამოსილია დამრღვევი წერილობით გააფრთხილოს, ხოლო კომისიის გადაწყვეტილებით დადგენილ ვადაში დენადი ხასიათის დარღვევის აღმოუფხვრელობის ან 1 წლის განმავლობაში ახალი ერთჯერადი ხასიათის დარღვევის ჩადენის შემთხვევაში – დააკისროს ჯარიმა, რომლის ოდენობაა ავტორიზებული პირის ან/და ლიცენზიის მფლობელის ბოლო 12 კალენდარული თვის შემოსავლის (საქართველოს საგადასახადო კოდექსით განსაზღვრული ერთობლივი შემოსავალი დღგ-ის გარეშე) 0,5 პროცენტი, მაგრამ არანაკლებ 3000 და არაუმეტეს 30000 ლარისა;

ზოგადი ადმინისტრაციული კოდექსის 76-ე მუხლის პირველი პუნქტის ბ) ქვეპუნქტის შესაბამისად, ადმინისტრაციული წარმოების დაწყების საფუძველია ადმინისტრაციული ორგანოსათვის კანონმდებლობით დაკისრებული ვალდებულება - გამოსცეს ინდივიდუალური ადმინისტრაციულ-სამართლებრივი აქტი;

კომისიის 2003 წლის 27 ივნისის N1 დადგენილებით დამტკიცებული „საქართველოს კომუნიკაციების ეროვნული კომისიის საქმიანობის მარეგულირებელი წესების“ მე-4 მუხლის პირველი პუნქტის ბ) ქვეპუნქტის შესაბამისად, კომისიაში ადმინისტრაციული წარმოების დაწყების საფუძველია კომისიისათვის კანონმდებლობით დაკისრებული ვალდებულება ან მინიჭებული უფლებამოსილება - გამოსცეს ადმინისტრაციული აქტი, ხოლო მე-6 მუხლის ბ) პუნქტის თანახმად, კომისიის მიერ ადმინისტრაციულ-სამართლებრივი აქტის გამოცემის ვალდებულებას წარმოადგენს ლიცენზიის/ამოწურვადი რესურსით სარგებლობის უფლების მფლობელის ან/და ავტორიზებული პირის მიერ მოქმედი კანონმდებლობის (მათ შორის საქართველოს ადმინისტრაციულ სამართალდარღვევათა კოდექსის) ან სალიცენზიო/ამოწურვადი რესურსით სარგებლობის უფლების ან/და ავტორიზაციის პირობების დარღვევაზე, ან პირის მიერ ულიცენზიოდ/ამოწურვადი რესურსით სარგებლობის უფლების მინიჭების გარეშე, ან/და ავტორიზაციის გარეშე საქმიანობაზე ადმინისტრაციული აქტის გამოცემა;

შპს „დი+მა“ დაარღვია „შპს „სტერეო+სა“ და შპს „დი+ს“ შორის რადიოსიხშირული სპექტრით სარგებლობის №MUXD ლიცენზიის გადაპირების თაობაზე“ კომისიის 2017 წლის 17 აგვისტოს N545/5 გადაწყვეტილების პირველი გ) პუნქტის მე-3, მე-6, მე-8, მე-12, მე-14, მე-16, მე-19, მე-20, 21-ე, 22-ე, 24-ე, 32-ე, 34-ე, 35-ე, 41-ე, 42-ე ქვეპუნქტებით განსაზღვრული სალიცენზიო პირობები, რაც „ელექტრონული კომუნიკაციების შესახებ“ საქართველოს კანონის 45-ე მუხლის თანახმად, სანქცირების საფუძველს წარმოადგენს. ვინაიდან, შპს „დი+მა“ აღიარა სამართალდარღვევის ფაქტი და დაადასტურა დარღვევების აღმოფხვრის მზაობა 2 თვის ვადაში, კომისიას მიზანშეწონილად მიაჩნია შპს „დი+ს“ სამართალდამრღვევად ცნობა და მისთვის „ელექტრონული კომუნიკაციების შესახებ“ საქართველოს კანონით მინიჭებული დისკრეციული უფლებამოსილების ფარგლებში, ადმინისტრაციული პასუხისმგებლობისაგან გათავისუფლება.

## V. სარეზოლუციო ნაწილი

„ელექტრონული კომუნიკაციების შესახებ“ საქართველოს კანონის მე-11 მუხლის მე-3 პუნქტის ზ) ქვეპუნქტის, 43-ე, 44-ე და 45-ე მუხლების, „შპს „სტერეო+სა“ და შპს „დი+ს“ შორის რადიოსიხშირული სპექტრით სარგებლობის №MUX-D ლიცენზიის გადაპირების თაობაზე“ კომისიის 2017 წლის 17 აგვისტოს N545/5 გადაწყვეტილების, საქართველოს ზოგადი ადმინისტრაციული კოდექსის VI თავის, 103-ე, 104-ე და 105-ე მუხლების, კომისიის 2003 წლის 27 ივნისის N1 დადგენილებით დამტკიცებული „საქართველოს კომუნიკაციების ეროვნული კომისიის საქმიანობის მარეგულირებელი წესების“ 36-ე მუხლის მე-13 და მე-14 პუნქტების შესაბამისად, შესაბამისად, კომისიამ, კენჭისყრის შედეგად, ერთხმად

### გადაწყვიტა:

1. შპს „დი+“ (საიდენტიფიკაციო N 400166262) ცნობილ იქნეს სამართალდამრღვევად „შპს „სტერეო+სა“ და შპს „დი+ს“ შორის რადიოსიხშირული სპექტრით სარგებლობის №MUXD

ლიცენზიის გადაპირების თაობაზე“ კომისიის 2017 წლის 17 აგვისტოს N545/5 გადაწყვეტილების პირველი გ) პუნქტის მე-3, მე-6, მე-8, მე-12, მე-14, მე-16, მე-19, მე-20, 21-ე, 22-ე, 24-ე, 32-ე, 34-ე, 35-ე, 41-ე, 42-ე ქვეპუნქტებით განსაზღვრული სალიცენზიო ვალდებულებების დარღვევის გამო;

2. შპს „დი+“ გათავისუფლდეს ადმინისტრაციული პასუხისმგებლობისაგან;

3. შპს „დი+ს“ დაევალოს 2019 წლის 1 აგვისტომდე „შპს „სტერეო+სა“ და შპს „დი+ს“ შორის რადიოსიხშირული სპექტრით სარგებლობის №MUXD ლიცენზიის გადაპირების თაობაზე“ კომისიის 2017 წლის 17 აგვისტოს N545/5 გადაწყვეტილების პირველი გ) პუნქტის მე-3, მე-6, მე-8, მე-12, მე-14, მე-16, მე-19, მე-20, 21-ე, 22-ე, 24-ე, 32-ე, 34-ე, 35-ე, 41-ე, 42-ე ქვეპუნქტებით განსაზღვრული ვალდებულებების დარღვევის აღმოფხვრა და სალიცენზიო ვალდებულებების სრულად შესრულების უზრუნველყოფა;

4. დაევალოს კომისიის აპარატის ადმინისტრაციას (ნ. ჯავახიძე) წინამდებარე გადაწყვეტილების შპს „დი+“ დაუყოვნებლივ გაგზავნა;

5. დაევალოს კომისიის აპარატის სამართლებრივ დეპარტამენტს (თ. ჭელიძე), შპს „დი+ს“ სამართალდამრღვევად ცნობისა და ადმინისტრაციული პასუხისმგებლობისაგან გათავისუფლების თაობაზე ინფორმაციის კომისიის შესაბამის უწყებრივ რეესტრში შეტანის უზრუნველყოფა;

6. გადაწყვეტილება ძალაში შედის გადაწყვეტილების დამოწმებული ასლის შპს „დი+სათვის“ ჩაბარების დღიდან;

7. გადაწყვეტილება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დ.□□□□ აღმაშენებლის ხეივანი მე-12 კმ., №6) შპს „დი+სათვის“ გადაწყვეტილების დამოწმებული ასლის ჩაბარების დღიდან ერთი თვის ვადაში;


8. კონტროლი აღნიშნული გადაწყვეტილების (მე-4 და მე-5 პუნქტების გარდა) შესრულებაზე დაევალოს კომისიის აპარატის რადიოსიხშირული სპექტრის მართვის დეპარტამენტს (ლ. ლაშქარავა).

კახი ბექაური



კომისიის თავმჯდომარე

ვახტანგ აბაშიძე



კომისიის წევრი

ელისო ასანიძე



კომისიის წევრი

გიორგი ფრუიძე

კომისიის წევრი

მერაბ ქათამაძე

კომისიის წევრი

